

神农书 玉函山房辑

目录

序

神农书

八谷生长篇

占篇

数篇

法篇

教篇

求雨篇

杂篇

全上古三代文

炎帝

序

神农之禁

神农之数

神农之法

神农之教

神农书

神农占

有焱氏颂

序

《神农书》一卷，相传炎帝神农氏撰。案《汉书·艺文志·农家·神农》二十篇；《兵阴阳家·神农兵法》一篇；《五行家·神农大幽五行》二十六卷；《杂占家·神农教田相土耕种》十四卷；《经方家·神农黄帝食禁》七卷；《神仙家·神农杂子技道》二十三卷。其农家二十篇注“六国时，诸子疾时，怠于农业，道耕农事，托之神农。”师古曰：“刘向《别录》云：‘疑李悝及商君所说。’”由此类推，凡志所载篇目，大抵皆依附为之，今其书并佚。考唐《开元占经》载有《八谷生长》一篇，差为完具，又亟引神农占数节。《管子》、《淮南子》、《汉食货志》等书或引神农之数，或引神农之法，或引神农之教。又《艺文类聚》引神农《求雨书》。得有篇目可称者凡六篇，其它佚文散句时见传、注所引，併据辑录，不可区分，统入农家。至他书所引《食禁》别，采集与《本草》相次，不录于兹云。历城马国翰竹吾甫。

神农书

八谷生长篇

禾生于枣，出于上党羊头之山右谷中。生七十日秀，六十日熟，凡一百三十日成。忌于寅卯。（瞿昙悉达《开元占经》卷一）

黍生于榆，出于大梁之山左谷中。生六十日秀，四十日熟，凡一百日成。忌于丑。（同上）

大豆生于槐，出于沮石之山谷中。九十日华，六十日熟，凡一百五十日成。忌于卯。（同上）

小豆生于李，出于农石之山谷中。生六十日华，五十日熟，凡一百一十日成。忌于卯。（同上）

秫生于杨，出于农石之山谷中。七十日秀，六十日熟。凡一百三十日成。忌于午。（同上）

荞麦生于杏，出于农石之山谷中。生二十五日秀，五十日熟。凡七十五日成。忌于子。（同上）

麻生于荆，出于农石之山谷中。生七十日秀，六十日熟，凡一百三十日成。忌于未午辰亥日。（同上）

小麦生于桃，出于须石之山谷中。生二百日秀，六十日熟，凡二百六十日成。忌于子。（同上）

稻生于柳，出于农石之山谷中。生八十日秀，七十日熟，凡一百五十日成。忌于亥。（同上）

五谷以生长日种者多实，以老死日种者无实，又难生。以忌日种之，一人不实。（同上）

禾生于巳，疾于酉，长于子，老于戌，恶于丙丁，忌于寅卯。（同上）

黍生于寅，疾于午，长于丙丁，老于戌，死于申，恶于壬，忌于丑。（同上）

豆生于申，疾于子，长于壬，老于丑，恶于甲乙，忌于丙丁。（同上）

麦生于酉，疾于卯，长于辰，老于午，死于巳，恶于戌，忌于子。（同上）

太岁在四孟，葶苈子熟时可种禾豆，夏至时百五十日，地气上时可种麦，丑、未、辰、戌是也。（同上）

太岁在四仲，椹熟时可种禾豆，夏至可种麦麻，夏至后九十日，地气上可种麦，子、午、卯、酉是也。（同上）

太岁在四季，以蚕卧起时可种禾豆，夏至前五十日可种稻黍糜。夏至后八十日，地气上可种麦。寅、申、巳、亥是也。（同上）

占篇

正月上朔，有风雨。三月谷贵，石五百钱。（同上）

八月有三卯，麦大善。无三卯，麦不善。（同上）

凡虫食李，则黍贵。食枣，粟贵。食杏，麦贵。食荆，麻贵。食桑，丝贵。

正月上朔日，风从东来，植禾善。从南来，植黍善。风从北来，稚禾善。

四月四日，风从东来，植豆善。西来，四日至七日，中善。七日至十日，稚善。

十四日无风，不可种豆。从冬至日到来年，满六十日，有大风雨折树，麦大善。

从平朔至食时，植麦善。至日中，中麦善。至日入，稚麦善。常以夏至后九十

日可种。四月朔日，风从东来，从平明至辰时，植麦善。至日中，中黍善。至

日入，稚黍善。正月朔日入，清明蚕善。（同上）

正月有甲子，余初贵后贱。（同上）

正月上辛，温者善，风寒者不好。（同上）

数篇

一谷不登，减一谷，谷之法什倍。二谷不登，减二谷，谷之法再什倍。夷疏满之，无食者予之陈，无种者贷之新。故无什倍之贾，无倍称之民。（《管子·轻重十一·揆度第七十八》引神农之数。）

法篇

丈夫丁壮不耕，天下有受其饥者；妇人当年不织，天下有受其寒者（《吕氏春秋》作“士有当年而不耕者，则天下或受其饥矣；女有当年而不织者，则天下或受其寒矣”）。故天子亲耕，后妃亲织，以为天下先（刘子《新论》有此三句。

《吕氏春秋》作“故夫亲耕、妻亲织”）。不贵难得之货，不器无用之物（《淮南子》有此二句）。是故其耕不强，无以养生；其织不力，无以揜形（刘子《新论》作“是与其耕不强，无以养其生；其织不力，无以盖其形”。《后汉书》注故上无是字，揜作衣）。有余不足各归其身（淮南子有此二句）。衣食饶溢（刘子《新论》作足），奸邪不生，安乐无事，而天下均平（刘子《新论》无而字，均作和）。智者无所施其策，勇者无以行其威。故衣食为民之本，而工巧为其末也。（刘子《新论》有此四句。《淮南子·齐俗训》、刘子《新论·贵农篇》、《后汉书·王符传》注引《文子》，并作神农之法。文句互有详略异同，《吕氏春秋·爱类篇》引首六句作神农之教。）

教篇

有石城十仞，汤池百步，带甲百万，而无粟者，不能守也。（《汉书·食货志》引神农之教。欧阳询《艺文类聚》卷八十五；昭明《文选》卷三十六《王元长永明九年策秀才文》李善注引汜胜之书曰“神农之教：虽有石城汤池，带甲百万，而无粟者，不能守也。”《后汉书·光武纪》赞章怀太子注引无带甲句，脱有字、而字。）

民为邦本，食为民天。农不正，食不充，民不正，用不衷。（罗泌《路史后纪》卷三《炎帝神农氏纪》引“又设教曰”云云。案此见《三愤书·神农政典》伪篇，本不足取。征罗氏引此文丰作充、专作衷，校《三坟》有异字，或别据神农佚篇，故仅取录此节，余皆不录。）

求雨篇

春夏雨日而不雨，甲乙，命为青龙，又为火龙东方，小童舞之。丙丁不雨，命为赤龙南方，壮者舞之。戊己不雨，命为黄龙，壮者舞之。庚辛不雨，命为白龙，又为火龙西方，老人舞之。壬癸不雨，命为黑龙北方，老人舞之。如此不雨，潜处阖南门，置水其外；开北门，取人骨埋之。如此不雨，命巫祝而曝之，曝之（《路史》引作“如此”）不雨，神山（《路史》讹作仙）积薪，击鼓而焚之。（欧阳询《艺文类聚》卷一百，《路史·余论卷二》并引《神农求雨书》。）

杂篇

夏日成。（虞世南《北堂书钞》卷一百五十四）

湛浊为地。（艺文类聚卷六）

冬至，阴阳合精，天地交让。天为尸湿，地为不冻，君为不朝，百官为不亲事，不可出游，必有忧悔。（《太平御览》卷二十八、罗莘《路史》注。）

承为民赋二十而一。（《路史》注）

全上古三代文

炎帝

序

帝生于姜水（《说文》），因姓姜。以火德王，称炎帝。一云赤帝，一云有焱氏。始作耒耜，号神农氏。一云农皇。以起烈山，亦号烈山氏。一云厉山氏，一云连山氏，一云朱襄氏。初都陈，后居曲阜。在位百二十年，传八世五百三十年。一云传十七世，一云七十世。（谨案《汉书·艺文志》“农家”有《神农》二十篇，本《注》云：“六国时，诸子疾时，怠于农业，道耕农事，托之神农。”师古引刘向《别录》云：“疑李悝及商君所说。”兵阴阳家又有《神农兵法》一篇，五行家有《神农大幽五行》二十七卷，杂占家有《神农教田相土耕种》十四卷。经方家有《神农黄帝食禁》七卷，《周礼·医师疏》引《食禁》作《食药》。神仙家有《神农杂子技道》二十三卷。独《本草》不见，见《平帝纪》及《楼护传》，盖《食禁》《食药》即《本草》矣。仓颉造字在黄帝时，前此未有文字。神农之言，皆后人追录。晁错所引，显是六国时语。即《六韬》及《管子》《文子》所载，亦不过谓神农之法，相传如是。岂谓神农手撰之文哉？今除《本草》见存外，皆入录。）

神农之禁

春夏之所生，不伤不害。（《群书治要》、《六韬·虎韬篇》引《神农之禁》）

神农之数

一谷不登，减一谷，谷之法什倍。二谷不登，减二谷，谷之法再什倍。夷疏满之，无食者予之陈，无种者贷之新。（《管子·揆度》）

神农之法

丈夫丁壮不耕，天下有受其饥者；妇人当年不织，天下有受其寒者。（《文子·上义》《淮南子·齐俗训》“不耕不织”上皆有“而”字。又《吕氏春秋·爱类》引《神农之教》曰：“士有当年而不耕者，则天下或受其饥矣；女有当年而不织者，则天下或受其寒矣。”）

神农之教

有石城十仞，有汤池百步，带甲百万，而亡粟，弗能守也。（《汉书·食货志》晁错引《神农之教》）

神农书

禾生于枣，出于上党羊头之山右谷中。生七十日秀，六十日熟，凡一百三十日成。忌于寅卯。黍生于榆，出于大梁之山左谷中。生六十日秀，四十日熟，凡一百日成。忌于丑。大豆生于槐，出于沮石之山谷中。九十日华，六十日熟，凡一百五十日成。忌于卯。小豆生于李，出于农石之山谷中。生六十日华，五十日熟，凡一百一十日成。忌于卯。秫生于杨，出于农石之山谷中。七十日秀，六十日熟。凡一百三十日成。忌于午。荞麦生于杏，出于农石之山谷中。生二十五日秀，五十日熟。凡七十五日成。忌于子。麻生于荆，出于农石之山谷中。生七十日秀，六十日熟，凡一百三十日成。忌于未午辰亥。小麦生于桃，出于须石之山谷中。生二百日秀，三十日熟，凡二百三十日成。忌于子。稻生于柳，出于农石之山谷中。生八十日秀，七十日熟，凡一百五十日成。忌于亥。五谷以生长日种者多实，以老死日种者无实，又难生。以忌日种之，一人不食。禾生于巳，疾于酉，长于子，老于戌，恶于丙丁，忌于寅卯。黍生于寅，疾于午，长于丙丁，老于戌，死于申，恶于辰，忌于丑。豆生于申，疾于子，长于壬，老于丑，恶于甲乙，忌于丙丁。麦生于酉，疾于卯，长于辰，老于午，死于巳，恶于戌，忌于子。太岁在四季，葶苈子熟时可种禾豆，夏至时可种黍麻。夏至后百日，地气上时可种麦（丑、未、戌是也）。太岁在四仲，椹熟时可种禾豆，夏至可种黍麻，夏至后九十日，地气上可种麦（子、午、丑、酉是也）。太岁在四孟，以蚕眠起时可种禾豆，夏至前五十日可种稻黍麻。夏至后八十日，地气上可种麦。（寅、申、巳、亥是也。《开元占经》一百十一）

神农占

正月上朔，有风雨。三月谷贵，石五百钱。八月有三卯，旱，麦大善。无三卯，麦不善。凡虫食李，则黍贵。食枣，粟贵。食杏，麦贵。食荆，麻贵。食桑，丝贵。正月上朔日，风从东来，植禾善。从南来，植黍善。从北来，稚禾善。四月四日，风从东来，植豆善。西来，四日至七日，中豆善。七日至十日，稚豆善。十四日无风，不种豆。从冬至日到来年，满六十日，有大风雨折树木，麦大善。从平朔至食时，植麦善。至日中，中麦善。至日入，稚麦善。常以夏至后九十日可种。四月朔日，风从东来，从平明至辰时，植黍善。至日中，中黍善。至日入，稚黍善。月朔日入，清明蚕善。正月有甲子，余初贵后贱。正月上辛，温者善，风寒者不好。（《开元占经》一百十一）

有焱氏颂

听之不闻其声，视之不见其形。充满天地，苞裹六极。（《庄子·天运》引“有焱氏为之颂”。《释文》“焱亦作炎”。）